

Ella sa regorda da blers detagls

Museum local Vaz/Zorten: Exposiziun Ludwig Demarmels

■ (pb) Ossa igls 4 da settember vess igl pictour artist Ludwig Demarmels igl sies 100avel anniversari. Per chest giubileum ègl do diversas activitads spezialas. Tranter oter er ena exposiziun an sia patria uriunda, an Surmeir. Chella è anc averta anfignen la fegn otgover aint igl museum local a Vaz/Zorten. Dumengia passada è stada ena contemplaziun digls maletgs cun sia donna Roswitha Demarmels. Roswitha Demarmels, la donna digl pictour artist Ludwig Demarmels, ò sustignia igl sies om tant scu tgi ella ò savia an sia labour artistica. E siva dalla mort digl artist igl 1992 ò ella piglia an mang igl relasch digl sies om e tgiro chel scu en scazi. Chegl è eneda igls sies maletgs ed igl atelier a Romanshorn. Regularmaintg ò ella davert la sia tgesa per mussar l'exposiziun permanenta e gruppas pudevan s'anunztgier e fixar en termin per passar.

Betg angal chegl, ella è stada zont premurada tgi l'ovra digl sies om davainta anc pi ancunaschainta. Uscheia ò Roswitha Demarmels gronds maretg tgi dat siva digl 2011 ena «Uniun Ludwig Demarmels». Chella ò igl intent da tigneir igl artist an buna regurdientscha, da far accessibla la sia vasta ovra da maniera persistentia alla publicitad ed alloura dad organisar exposiziuns e realisar publicaziuns digl artist. Egnas dallas ampremas grondas lavours è stada da tschartger dapertot anturn ovras da Ludwig Demarmels tgi èn an possess privat per aveir ena survista schi cumplexsiva scu pussebel da sia ovra. Ed oz èn neidas vetiers bleras ovras tgi ins veva anfignen ossa betg chint.

Roswitha Demarmels è er stada activmaintg vedlonder per las activitads per igl 100avel anniversari digl sies om chest onn: la gronda exposiziun a Kreuzlingen, l'ediziun digl codesch «Ludwig Demarmels 1917–1992» edia dall'uniun e redigia da Gion Pol Simeon e l'exposiziun an patria aint igl museum local a Vaz/Zorten.

Digl reminent, Roswitha Demarmels ò dastgea festivar chest onn igls 15 d'avost igl sies 80avel anniversari. Persiva lessans

gratular ad ella posteriuramaintg, ma betg manc cordial e giavischier ad ella tot bung per igl avigneir.

Maletgs dalla regiun

Igl museum local da Vaz a Zorten è er fitg activ e mano da maniera fitg angascheda. Dasperas l'exposiziun permanenta cun la veta purila digls decennis passos e l'ovra da Ferdinand Parpan ins varda er adegna da neir cun exposiziuns lateralas. Schi pussebel dad artists dalla regiun. Siva digls 24 da zarcladour da chest onn anfignen igl davos otgover è exponeida ainten la Sala Parpan bung ena tozza maletgs. La curatoura digl museum, Anna Maria Elmer-Cantieni ansemen cun diversas donnas da suprastanza dall'uniun digl museum, èn stadas a Kreuzlingen ed on fatg ansemen cun Roswitha Demarmels la tscherna digls maletgs per l'exposiziun a Vaz. E cò è stada ena preferientscha per chels maletgs tgi èn naschias ainten la regiun da Surmeir.

Scu activitad speziala da chesta exposiziun ins ò anvindo Roswitha Demarmels da neir eneda a Vaz e far ansemen cun ella ena contemplaziun digls maletgs exponeias. Chegl è sto dumengia passada. Deplorablaintg ins è cun chella aciun betg nia da mobilisar las massas. Uscheia ins ò fatg chegl an en tschertgel pi pitschen, ma gl'è perchegh betg sto manc interessant.

Roswitha Demarmels canoscha las tgossas digl manevel

Roswitha Demarmels ò igl amprem discurreia da dus maletgs tgi èn betg preschaints, ma fissan er stos giavischias dallas represchentantas digl museum da Vaz. E betg preschaints èn els perchegh tgi els èn mengia gronds. Mengia gronds per transportar e per exponer. Egn da chels sa nomna «Noss Sulom». Sen teila an ieli mossa Ludwig Demarmels las tradiziuns durant igl antier onn ord la veta ecclesiastica e la veta purila tgi eran an Surmeir. Igl maletg digl 1987 ò ena grondezza da 190 × 185 cm. En sagond maletg an grondezza sumiglianta porta igl tetel



Roswitha Demarmels dasperas igl maletg «Las davosas guglias». En maletg digl 1990 cun davos igl Piz d'Err.

las spassagedas tgi Ludwig Demarmels fascheva mintga dumengia aint igl margtea. Er cò ins scorva detagls interessants.

Tranter las plantas

Plantas on ainten l'ovra digl pictour artist uriund da Stierva ena gronda muntada. Savens èn ellas part digl maletg. I dat pero er maletgs noua tgi ellas stattan agl center digl maletg. Quatter da chels maletgs èn er exponeias a Vaz. Digl reminent è er sen igl maletg dalla cuverta digl codesch nov las plantas tgi gioian ena impurtanta rolla laterala.

Chels maletgs da plantas ainten la Sala Parpan èn tots digls davos onns dall'ovra digl artist. Treis digl 1990. Cò metta el las plantas sapientivamaintg davant ainten mez igl maletg. Gl'è sto igl taimp dallas grondas discussiuns dalla mureia digl got. Ludwig Demarmels ò er tschartgea da mussar la caracteristica dallas diversas plantas e lour atgnadad. Per solit sainza figlias resp. guglias. È chegl sto sapientiv?

Tar chels maletgs tgi èn tots er naschias ainten la nosa regiun mossa igl artist bagn prominent e central las plantas. Agl fons digl maletg lascha el percorscher la sia optica per igl maletg e chella è adegna ensanouas agl conturn da Stierva. Pertge davos èn da canoscher cleramaintg las pizzas anturn Stierva e magari er vischnancas. Uscheia vasainsa sen igl maletg dalla foto dasperas Roswitha Demarmels davant en laresch. El porta anc en po dallas guglias. Davos è tot navanto, i saro igl aton tard u forsa gio anvienr. Davos chest laresch ins vei anc cler e bagn igl Piz d'Err.

Tar en oter da chels maletgs da plantas è davos igl Corn da Lantsch e gist sen dus è musso igl Muchetta.

La contemplaziun digls maletgs ansemen cun Roswitha Demarmels è an mintga cass stada ordvart interessanta e gl'è simplamaintg ensatge oter da santer igls detagls dad amprem mang. Tot deir dad ena persunga tgi ò cunaschia igl artist fitg bagn e tgi so er la derivanza dallas inspiraziuns e tgi so er interpretar igls detagls.

«Aufstand der Tiere». Sen chel maletg mossa igl artist dispetas da vischnanca a Stierva, ma el dat la rolla digls combatants ad animals. Per sazez so el bel exact tgi tgi el manegia cura tgi el lascha eir las tgoras egna cunter l'otra. Sen chel maletg ins vei anc detagls fitg interessants e Roswitha Demarmels veva las cunaschientschas per saveir interpretar chels.

Er betg preschaint en maletg digl 1978 tgi sa nomna «La veta ainten la vischnanca muntagnarda». Chel è nia preschainto igl mars da chel onn ainten la Sala Segantini a Savognin. Scu egna dallas ampremas exposiziuns siva la fundaziun dalla Pro Segantini. E chella vischnanca mussada sen igl maletg era Alvagni. Luzi Laim ò cumpro igl maletg ed el sa catta anc an possess digls sies irtavels.

Er en'otra tgossa metta Roswitha Demarmels an relaziun cun Savognin: Igl 1968 cura tgi igl sies om seia rivo a tgesa siva tgi el era sto a Savognin e veva malagea igls maletgs ve dallas pareis dalla grotta aint igl Hotel Piz Mitgel vegia el giva la conferma tgi el viglia e saprga veiver scu pictour artist sen sazez!

Prest adegna cun ena noda personala

Agl museum local a Vaz on tot igls maletgs er da far ensatge cun igl artist sez. Egn sa nomna «Felsengarten». En iert tgi ins vei tgi el sa catta a Stierva. Ena gruppa da lupinias stat agl center. Gl'è igl iert da sia mamma a Stierva, ò Roswitha Demarmels savia deir.

En maletg digl 1978 cun igl tetel «Einkauf» mossa quatter persungas tgi èn per eir a far lour compras. Tar chest maletg ò Roswitha Demarmels savia deir tgi i sa tracta dad ena studia. Tgi antras la societad da pendicularas era previa da far giu bass a Savognin en center da compra. E chel maletg fiss sto previa scu decoraziun sen chest bietg...

En oter maletg mossa igl atelier digl artist a Romanshorn. Ins veia blers detagls, tranter oter er egn or dad ena illustrada da Kliby e Caroline siva lour amprema preschentaziun ainten la televisiun. El abitava ainten la madema regiun scu Ludwig Demarmels.

En oter maletg datescha digl 1975 «Plakatwand». La sia donna manegia tgi chegl seia cleramaintg ena influenza dal-

reclama



Meine Weiterbildung,
meine Karriere,
meine Zukunft.

Informationsabend

Donnerstag, 21. September 2017, 18.00 Uhr
ZbW, Langgrabenstrasse 24, Sargans
Vor Anmeldung erwünscht

Höhere Fachschule (HF)

Automation
Unternehmensprozesse

Führung

Lehrgang Leadership

Ausbildungen für Auszubildende

Praxisausbilder/in mit SVEB-Zertifikat
Kursleiter/in mit SVEB-Zertifikat (Modul 1)
SVEB-Module 2–5
Ausbilder/in mit eidg. Fachausweis
Lehrperson HF im Nebenberuf
Berufsbildner/in ÜK im Neben- und Hauptberuf

www.zbw.ch



plazzas.gr.ch

GRISCHUN

L'uffizi per la furnaziun media-superiura tschertga ina/in

cuschiniera u cuschinier

Infurmaziuns detagliadas chattais Vus sut plazzas.gr.ch



Äthiopien braucht kein Mitleid.

Sondern Ihre Unterstützung.



Jetzt spenden:
Postkonto 90-700 000-4

Stiftung Menschen für Menschen
Stockerstrasse 10 | 8002 Zürich
Tel. 043 499 10 60 | info@mfm-schweiz.ch
www.menschenfuermenschen.ch



Menschen
für
Menschen

Karlheinz Böhm's Äthiopienhilfe
Switzerland

erotik.suedostschweiz.ch

Neu in Chur! Top Thai – heisse Erotikmassage
A-Z, 24 Std. junge Frau. 076 666 28 22

Ich erfüll dir dini schönste Traum! Tanja.
0906 00 00 46 (Fr. 2.50/Min.)

Bio-Landbau
packt das
Hunger-Elend
an der Wurzel.

Per SMS 20 Franken
spenden. Mut 20 an 488.

SWISSAID
Ihr mutiges Hilfswerk.